



牡丹亭還魂記四卷

明臨川湯義仍編本

第四十六齣

折寇

破陣子外戎裝佩劍引衆上接濟風雲陣勢。侵尋歲月邊

陞。內插鼓喊介外嘆介你看虎咆般砲石連雷碎。鴈翅似

刀輪密雪施。李全李全。你待要霸江山。吾在此。

集唐誰能談笑解重圍。萬里胡天鳥不飛。今日海門南畔

事。滿頭霜雪爲兵機。我杜寶自到淮揚。卽遭兵亂。孤城一

片。因此重圍。只索調度兵糧。飛揚金鼓。生還無日。死守由



天。潛坐敵樓之中。追想靖康而後。中原一望。萬事傷心。

玉桂枝問天何意。有三光不辨華夷。把腥羶吹換人間。這

望中原做了黃沙片地。惱介猛冲冠怒起。猛冲冠怒起。是

誰弄的江山如是。嘆介中原已矣。關河困。心事違。也則願

保揚州。濟淮水。俺看李全賊數萬之衆。破此何難。進退遲

疑。其間有故。俺有一計。可救圍。恨無人與遊說。

內插鼓介。淨扮報子上。羽檄場中無鴈到。鬼門關上有人

來。好笑城圍的鐵桶似緊。有秀才來打秋風。則索報去。稟

老爺。有箇故人相訪。外敢是好細。淨說是江右南安府陳

秀才。外這迂儒怎生飛的進來。快請快請。

浣溪沙末上。擺旌旗添景致。又不是鬧元宵。鼓砲齊飛。杜

老爺在那裏。外出笑迎介。忽聞的千里故人誰。嘆介原來

是先生到此。教俺驚垂淚。末老公相頭通白了。合白首相

看俺與伊三年一見愁眉。

拜介。集唐末。頭白乘驢懸布裳。外故人相見憶山陽。末橫

塘一別千餘里。外却認并州作故鄉。末恭念公相。又苦傷

老夫人回揚州。被賊兵所筭了。外驚介。怎知道。末生員在

賊營中眼同驗過。老夫人首級和春香都殺了。外哭介。天



呵。痛殺俺也。

玉桂枝相夫登第。表賢名甄家老妻。稱皇宣一品夫人。又待伴俺立雙忠烈女。想賢妻在日。想賢妻在日。淒然垂淚。白頭拋棄。外哭倒衆扶介末我的老夫人。老夫人。怎了。你將官們也。大家哭一聲兒麼。衆哭介老夫人呵。外作惱拭淚介呀。好沒來由。夫人是朝廷命婦。罵賊而死。理所當然。我怎爲他亂了方寸。灰了軍心。身爲將。顧的誰。任恓惶。百無悔。陳先生。潘金王還有講麼。末不好說得。他還要殺老先生。外咳。他殺俺。甚意兒。俺殺他。全爲國。

末依了生員。兩下都不要殺。做扯外耳語介末那潘金王

要這座淮安城。外噤聲。那賊營中是一箇座位。兩箇座位。

末他和妻子連席而坐。外笑介這等吾解此圍必矣。先生

竟爲何來。末老先生不問。幾乎忘了。爲小姐墳兒被盜。竟

此相報。外驚介天呵。塚中枯骨。與賊何仇。都則爲那些寶

玩害了也。賊是誰。末老公相去後。道姑招了箇嶺南遊棍

柳夢梅爲伴。見物起心。一夜劫墳逃去。屍骨投之池水中。

因此不遠千里而告。外嘆介女墳被發。夫人遭難。正是未

歸三尺土。難保百年身。既歸三尺土。難保百年墳。也索罷



了。則可惜先生一片好心。末生員拜別老公相後。一發貧薄了。外嘆介軍中倉卒。無以為情。我把一大功勞。先生幹去。末願效勞。外我久寫下咫尺之書。要李全解散三軍之衆。餘無可使。煩公一行。左右取書儀來。倘說得李全降順。便可歸奏朝廷。自有箇出身之處。生取書禮介。儒生三寸舌。將軍一紙書。書儀在此。末途費謹領。送書一事。其實怕人。外不妨。

榴花泣。兵如鐵桶。一使在其中。將折簡去和戎。陳先生。你志誠打的賊兒通李全呵。雖然寇盜英雄。他也相機而動。

末恐遊說非書生之事。外看他開圍放你來此。其意可知。

你這書生正好做傳書用。末仗恩臺一字長城。借寒儒八

面威風。內鼓吹介

尾聲。戍樓羌笛話匆匆。外事成呵。你歸去朝廷沾寸寵。這

紙書敢則是保障江淮第一封。

隔河征戰幾歸人 五馬臨流待幕賓

勞動先生遠相訪 恩波自會借枯鱗

第四十七齣 圍釋

出隊子。貼扮通事上。一天之下。南北分開兩事家。中間放



着箇蓼兒注。明助着番家打漢家。通事中間撥嘴擦牙。

事有足詫。理有必然。自家潞金王麾下。一名通事便是好

笑好笑。俺大王助金圍宋。攻打淮城。誰知北朝暗地差人

夫到南朝講話。正是暫通禽獸語。終是大羊心。下

雙勸酒。淨引衆上。橫江虎牙。插天鷹架。插鼓揚旗。衝車甲

馬。把座錦城牆圍的陣雲花。杜安撫你有翅難加。

自家潞金王。攻打淮城。日久未下。外勢雖然虎踞。中心未

免狐疑。一來怕南朝大兵兼程策應。二來怕北朝見責。委

任無功。真箇進退兩難。待娘娘到來計議。丑上驅兵捉將

出尤女。捏鬼粧神豹子妻。大王。你可聽見大金家有人南

朝打話。回到俺營門之外了。淨有這事。

北夜行船。老旦扮番將帶刀騎馬上。大北裏宣差傳站馬。

虎頭牌滴溜的分花。外扮馬夫趕上。介滑了滑了。老旦那

古裏誰家跑番了棧喇。怎生呵。大營盤沒箇人兒答煞。外

大叫介。潞金爺。北朝天使到來。下。淨丑作慌介。快叫通事

請進。貼上接跪介。潞金王患病了。請那顏進。老旦可纔可

纔道句兒克卜喇。

下馬上坐介。都兒都兒。淨問貼介。怎麼說。貼惱子。淨丑舉



手老旦做惱。不則介。指淨介。鐵力溫都答喇。淨問貼介。怎說。貼不敢說。要殺了。淨却怎了。老旦做看丑笑介。忽伶忽伶。伶丑問貼介。貼嘆娘娘生的妙。老旦克老克老。貼說走渴了。老旦手足做忙介。兀該打刺。貼叫馬乳酒。老旦約兒兀只。貼要燒羊肉。淨叫介。快取羊肉乳酒來。外持酒肉上介。老旦灑酒。取刀割羊肉喫。笑將羊油手擦胃介。一六兀刺的。貼不惱了。說有禮體。老旦作醉介。鎖陀八鎖陀八。貼說醉了。老旦作看丑介。倒喇倒喇。丑笑介。怎說。貼要娘娘唱箇曲兒。丑使得。

北清江引呀。啞觀音覷着箇番答辣。胡蘆提笑哈。兀那是都麻。請將來岸答。撞門兒一句咬兒。只不毛古喇。

通事。我斟一杯酒。你送與他。貼作送酒介。阿阿兒該力。丑通事說甚麼。貼小的稟娘娘送酒。丑着了。老旦作醉看丑介。亭知亭知。貼又央娘娘舞一回。丑使得。取我的梨花鎗來。

前腔。持鎗舞介。冷梨花點點風兒刮。裊得腰身乍。胡旋兒打一車。花門折一花。把一箇駿啜老那顏風勢煞。

老旦反背拍袖笑倒介。忽伶忽伶。貼扶起老旦介。老旦擺



手到地介阿來不來。貼這便是唱喏。叫唱一直。老旦笑點

頭招丑介哈撒哈撒。貼要問娘娘。丑笑介問什麼。老旦扯

丑輕說介哈撒兀該。毛克喇。毛克喇。丑笑問貼介怎說。貼

作搖頭介問娘娘討件東西。丑笑介討甚麼。貼通事不敢

說。老旦笑倒介古魯古魯。淨背叫貼問介他要娘娘什麼

東西。古魯古魯不住的。貼這件東西。是要不得的。便要時。

則怕娘娘不捨的。便是娘娘捨的。大王也不捨的。便大王

捨的。小的也不捨得。淨甚東西直恁捨不的。貼他這話到

明哈撒兀該。毛克喇。要娘娘有毛的所在。淨作惱介氣也

氣也。這臊子好大膽。快取鎗來。淨作荷花鎗趕殺介貼扶

醉老旦走。老旦提酒壺叫古魯古魯架住鎗介

北尾淨你那醋葫蘆指望把梨花架。臊奴鐵圍牆敢靠定

你大金家。搦倒老旦介則踹着你那幾莖兒苦嘴的赤支

沙。把那嚙腥臊的喫子兒生搭殺。

丑扯住淨放老旦介老旦曳喇曳喇哈哩。指淨介力婁吉

丁母刺失。力婁吉丁母刺失。作閃袖走下介淨氣殺我也。

那曳喇哈的什麼。貼叫引馬的去。淨怎指着我力婁吉丁

母刺失。貼這要奏過他主兒。叫人來相殺。淨作惱介丑老



大王。你可也當着不着的。淨。醉着了。你那毛格喇哩。丑。便許他在那裏。你却也忒懣酸。淨。不語介。正是我一時風火性。大金家得知。這酒金玉到有些欠穩。丑。便是番使南朝而回。未必其中有話。淨。娘娘高見何如。丑。容奴家措思。內。搗鼓介。貼。扮報子上。報報報。前日放去的老秀才。從淮城中單馬飛來。道有緊急。投見大王。丑。恰好着他進來。縷縷金。末上。無之奈。可如何。淨。生承將令。強嘍囉。內。喊末驚跌介。一聲金砲響。將人跌蹉。可憐可憐。密札札干戈。其間放着我。

貼。唱門介。生員進。末見介。萬分一生。生員陳最良百拜。大王殿下。娘娘殿下。淨。杜安撫獻了城池。末。城池不爲希罕。敬來獻一座王位與大王。淨。寡人久已爲王了。末。正是官上加官。職上添職。杜安撫有書呈上。淨。看書介。通家生杜寶。頓首李。王麾下。問。末介。秀才。我與杜安撫有何通家。末。漢朝有箇李杜至交。唐朝也有箇李杜美友。因此杜安撫斗膽稱箇通家。淨。這老兒好意思。書有何言。

一封書讀介。聞君事外朝。狼虎心。料難定交。肯回心聖朝。保富貴全忠孝。平梁取采須收好。背暗投明帶早起。憑陸



賈說。莊躡。願望。麾慈。卽鑒。昭。

笑介。這書勸我降宋。其實難從。外密啓一通。奉呈尊闈。夫

人。笑介。杜安撫也。畏敬娘娘哩。丑。你念我聽。淨看書。介通

家生杜寶。歛衽楊老娘娘帳前。咳也。杜安撫與娘娘又通

家起來。末。大王通得去。娘娘也通得去。淨也通得去。只漢

子不該說歛衽。末。娘娘肯歛衽而朝。杜安撫敢不歛衽而

拜。丑說得好。細念我聽。淨念書。介通家生杜寶。歛衽楊老

娘娘帳前。遠聞金朝封貴夫爲潘金王。並無封號。及於夫

人。此何禮也。杜寶久已保奏大宋。勅封夫人爲討金娘娘。

之職。伏惟粧次鑒納。不宣。好也。到先替娘娘討了恩典哩。

丑。陳秀才。封我討金娘娘。難道要俺征討大金家不成。末

受了封誥後。但是娘娘要金子。都來宋朝取用。因此叫做

討金娘娘。丑。這等是你宋朝美意。末。不說娘娘。便是衛靈

公夫人也。說宋朝之美。丑。依你說。我冠兒上金子成色要

高。我是帶盃兒的娘子。近時人家首飾渾。脫就一箇盃兒。

要你南朝照樣打造一副送我。末。都在陳最良身上。淨。你

只顧討金。討金。把我這潘金王潘在那裏。丑。連你也做了

討金王罷。淨。謝承了。末。叩頭。介。則怕大王娘娘退悔。丑。俺

還。世。已。四。卷。九。



主定了。便寫下降表。齎發秀才回奏南朝去。

前腔淨歸依大宋朝。怕金家成禍苗。丑秀才你擔承這遭。

要黃金須任討。末大王你鄱陽湖磬響收心早。娘娘你黑

海岸回頭星宿高。合便休兵隨聽招免的名標在叛賊條。

淨秀才公館畱宴。星夜草表送行。舉手送末拜別介。

尾聲淨咱比李山兒何足道。這楊令婆委實高。末帶了你

這一紙降書。管取那趙官家歡笑倒。

末下淨丑弔場淨娘娘則爲失了一邊金。得了兩條玉。人

要一箇王不能勾。俺領下兩箇王。豈不樂哉。丑不要慌。

還有第三箇王號。淨什麼王號。丑叫做齊肩一字王。淨怎

麼。丑殺哩。淨隨順他又殺什麼。丑你俺兩人作這大賊。全

仗金韃子威勢。如今反了面。南朝拿你何難。淨作惱介。哎

喲。俺有萬夫不當之勇。何懼南朝。丑你真箇是楚霸王。不

到烏江不止。淨胡說。便作俺做楚霸王。要你做虞美人。定

不把趙康王占了你去。丑罷。你也做楚霸王不成。奴家的

虞美人也做不成。換了題目做。淨什麼題目。丑范蠡載西

施。淨五湖在那裏。去做海賊便了。丑作分付介。衆三軍。俺

已降順了南朝。暫解淮圍。海上伺候去。衆應介。解圍了。內



鼓介船隻齊備了。內鼓介稟大王起行。行介

江頭送別淮揚外。淮揚外海波搖動。東風勁。東風勁。錦帆

吹送。奪取蓬萊為巢洞。鰲背上立着旗峯。

前腔順天道。順天道。放些兒閑空。招安後。招安後。再交兵

言重。險做了為金家傷炎宋。權袖手做箇混海痴龍。

衆稟大王娘娘出海了。淨且下了營。天明進發。

干戈未定各為君。龍鬪雌雄勢已分。

獨把一麾江海去。莫將弓箭射官軍。

第四十八齣 遇母

十二時日上不住的相思鬼。把前身退悔。土臭全消。肉香

新長。嫁寒儒客店裏孤栖。淨上又着他攀高謁貴。

浣溪沙旦寂寞秋窻冷。簾紋淨。明璫玉枕舊香塵。日斷潮

歸去。夢郎頻。淨桃樹巧逢前度客。旦翠煙真是再來人。合

月高風定影隨身。旦姑姑奴家喜得重生。嫁了柳郎。只道

一舉成名。同去拜訪爹媽。誰知朝廷為着淮南兵亂。開榜

稽遲。我爹娘正在圍城之內。只得賣發柳郎。往尋消耗。撇

下奴家錢塘客店。你看那江聲月色。悽愴人也。淨小姐。比

你黃泉之下。景致爭多。旦這不在話了。



針線箱雖則是荒村店江聲月色。但說着墳窩裏前生今世。則這破門簾亂撒星光內。煞強似洞天黑地。姑姑呵。三不歸父母如何的。七件事兒夫靠着誰。心悠曳。不灰不活。睡夢裏爲箇人兒。

淨似小姐的罕有。

前腔伴着你半間靈位。又守見你一房夫婿。旦姑姑。那夜搜尋秀才。知我閃在那裏。淨則道畫幀兒怎放的箇人迴避。做的事瞞神說鬼昏黑了。你看月兒黑黑的星兒晦。螢火青青似鬼火吹。旦上燈哩。淨沒油黑坐地。三花兩焰。畱的你照解羅衣。

旦夜長難睡。還向主家借些油去。淨你院子裏坐。咱去來。合着油瓶蓋。踏碎玉蓮蓬。下旦玩月嘆介。

月兒高。老旦貼行路上。江北生兵亂。江南走多半。不載香車穩。跋的鞋鞋斷。夫主兵權。望天涯生歎。知何判。前呼後擁。一箇春香伴。鳳髻消除。打不上揚州纂。上岸了。到臨安。趁黃昏黑影林巒。生忤察的難投館。

貼且喜到臨安了。老旦咳。萬歎一逃生。得到臨安府。俺女娘無處投。長路多孤苦。貼前面像是箇半開門兒。驀了進



去。老旦進介呀。門房空靜。內可有人。旦誰。貼是箇女人聲。息待打叫一聲。開門。

不是路。旦驚介斜倚雕闌。何處嬌音喚起關。老旦行程晚。女娘們借住霎兒間。旦聽他言。聲音不似男兒漢。待自起開門月下看。見介旦是一位女娘。請裏面坐。老旦相提盼。人間天上行方便。旦趨迎遲慢。趨迎遲慢。

打照面介老旦作驚介

前腔破屋頹椽。姐姐呵。你怎獨坐無人燈不燃。旦這間庭院。玩清光長送過這月兒圓。老旦背斗貼介春香這像誰

來。貼驚介不敢說。好像小姐。老旦你快瞧。房兒裏面還有

甚人若沒有人。敢是鬼也。貼下旦背立介這位女娘好像

我母親。那箇丫頭好像春香。作回問介敢問老夫人何方

而來。老旦嘆介自淮安。我相公是淮揚安撫。遭兵難。我被

擄逃。生到此間。貼慌上背語老旦介一所空房子。通沒箇

人影兒。是鬼。是鬼。老旦作怕介且聽他說起。是我的娘也。

且向前哭娘介老旦作避介敢是我女孩兒。大慢子你。你

活現了。春香有隨身紙錢。快丟。快丟。貼丟紙錢介且兒不

是鬼。老旦不是鬼。我叫你三聲。要你應我。一聲高如一聲。



做三斗三應聲漸低介老旦是鬼也。旦娘你女兒有話講。老旦則畧靠遠冷淋侵一陣風兒旋這般活現。旦那些活現。

旦扯老旦老旦作怕介兒手恁般冷。貼印頭介小姐休要搵了春香老旦兒不曾廣超度你是你父親古執。旦哭介娘你這等怕女孩兒死不放娘去了。

前腔淨持燈上門戶牢拴為甚空堂人語誼。照地介這青苔院怎生吹落紙黃錢。貼夫人來的不是道姑老旦可是淨驚介呀老夫人和春香姐那裏來這般大驚小怪看他

打盤旋那夫人呵怕漆燈無艷將身遠。小姐恨不得幽室生輝得近前。旦姑姑好來奶奶害怕。貼這姑姑敢也是箇鬼。淨扯老旦照旦介休疑憚移燈就月端詳遍。可是當年人面。合是當年人面。

老旦抱旦泣介兒呵便是鬼娘也不捨的去了。

前腔腸斷三年怎墜海明珠去復旋。旦爹娘面陰司裏憐念把魂還。貼小姐你怎生出的墳來。旦好難言。老旦是怎生來。旦則感的是東嶽大恩眷。托夢一箇書生把墓踰穿。

老旦書生何方人氏。旦是嶺南柳夢梅。貼怪哉當真有箇

柳和梅。老旦怎到得這來。旦他來科選。老旦這等是箇好秀才。快請相見。旦我央他看淮揚動定去把爹娘探。因此上獨眠深院。獨眠深院。

老旦背與貼語介有這等事。貼便是。難道有這樣出跳的鬼。老旦回身泣介我的兒呵。

番山虎則道你烈性上青天。端坐在西方九品蓮。不道三年鬼窟裏重相見。哭的我手麻腸寸斷。心枯淚點穿。夢魂沉亂。我神情倒顛。看時兒立地。叫時娘各天。怕你茶酒無澆奠。牛羊侵墓田。合今夕何年。今夕何年。嗚。還怕這相逢

夢邊。

前腔旦泣介你拋兒淺土。骨冷難眠。喫不盡爹娘飯。江南寒食天。可也不想有今日。也道不起從前。似這般胡突謎。甚時明白也。天鬼不要人。不嫌不是前生斷。今生怎得連。

合前

老旦老姑姑也。虧你守着我兒。

前腔淨近的話不堪提。喚早森森地心疎體寒。空和他做七做中元。怎知他成雙成愛眷。低語老旦介我捉鬼拿奸。知他影戲兒做的恁活現。合這樣奇緣。這樣奇緣。打當了



輪迴一遍。

前腔貼論魂離倩女是有。知他三年外靈骸怎全。則恨他同棺槨少箇郎官。誰想他為院君這宅院。小姐呵。你做的相思鬼穿。你從夫意專。那一日春香不鋪其孝筵。那節兒夫人不哀哉醮薦。早知道你撇離了陰司。跟了人上船。合前

尾聲。老旦感的化生女顯。活在燈前面。則你的親爹。他在賊子窩中沒信傳。旦娘放心。有我那信付的人兒。他穴地通天打聽的遠。

想像精靈欲見難

碧桃何處便膠鬻

莫道非人身不煖

菱花初曉鏡光寒

第四十九齣

淮汭

二登樂生包袱雨傘上。有路難投。禁得這亂離時候。走孤寒。落葉知秋。為嬌妻思岳丈。探聽揚州。又誰料他困守淮揚。索奔前答救。

集唐。那能得計訪情親。濁水汗泥清路塵。自恨為儒逢世難。却憐無事是家貧。俺柳夢梅陽世寒儒。蒙杜小姐陰司熱寵。得為夫婦。相隨赴科。且喜殿試擯過卷子。又被邊報

耽誤榜期。因此小姐呵。聞說他尊翁淮揚兵急。叫俺沿路  
上體訪安危。親齎一幅春容。敬報再生之喜。雖則如此。客  
路貧難。諸凡路費之資。盡出壙中之物。其間零碎寶玩。急  
切典賣不來。有些成器金銀。土氣銷鎔有限。兼且小生看  
書之眼。並不認的等子星兒。一路上賺騙無多。逐日裏支  
分有盡。到的揚州地面。恰好岳丈大人移鎮淮城。賊兵阻  
路。不敢前進。且喜因循解散。不免迤邐數程。

錦纏道。早則要醉揚州尋杜牧。夢三生花月樓。怎知他長  
淮去休。那裏有纏十萬順天風。跨鶴閒遊。則索傍漁樵尋

食宿。敗荷衰柳。添一抹五湖秋。那秋意見有許多迤邐。向  
功名事未酬。冷落我斷腸。閑秀堪回首。算江南江北有十  
分愁。

一路行來。且喜看見了插天高的淮城。城下一帶清長淮  
水。那城樓之上。還樹有丈六濶的軍門旗號。大吹大擂。想  
是日晚掩門了。且尋小店歇宿。丑上多參白水。江湖酒少。

縱黃邊風月錢。秀才投宿麼。生進店介。丑要果酒案酒。生

天性不飲。丑柴米是要的。生喫到算。丑算到喫。生花銀五

分在此。丑高銀散碎些。待我稱。稱介作驚叫介。銀子走了。



尋介。生：怎大驚小怪。丑：秀才。銀子地縫裏走了。你看碎珠

兒。生：這等還有幾塊在這裏。丑：接銀又作走三度介。呀。原

來秀才會使水銀。生：因何是水銀。背介：是了。是小姐殞歛

之時。水銀在口。龍含土成珠而上天。鬼含汞成丹而出世。

理之然也。此乃見風而化。原初小姐歿。水銀也歿。如今小

姐活。水銀也活了。則可惜這神奇之物。世人不知。回介。也

罷了。店主人。你將我花銀都消散去了。如今一厘也無。這

本書是我平日看的。准酒一壺。丑：書破了。生：貼你一枝筆。

丑：筆開花了。生：此中使客往來。你可也聽見讀書破萬卷。

丑：不聽見。生：可聽見夢筆吐千花。丑：不聽見。

皂羅袍。生：作笑介。可笑。一場閒話。破詩書萬卷。筆蕊千花。

是我差了。他原不是換酒的東西。丑：笑介。神仙留玉珮。卿

相解金貂。生：你說金貂玉珮那裏來的。有朝貨與帝王家。

金貂玉珮書無價。你還不知哩。便是千金小姐。依然嫁他。

一朝臣宰。端然拜他。丑：要他則甚。生：讀書人把筆安天下。

生：不要筆。不要書。這把雨傘可好。丑：天下雨哩。生：明日不

走了。丑：餓死在這裏。生：笑介。你認的准揚杜安撫麼。丑：誰

不認的。明日喫太平宴哩。生：則我便是他女婿。來探望他。

丑驚介喜是相公說的早。杜老爺多早發下請書了。生請書那裏。丑和相公瞧去。丑請生行介待小人背褙袱雨傘。行介生請書那裏。丑兀的不是。生這是告示居民的。丑便是你瞧。

前腔禁爲閒遊奸詐。杜老爺是巴上生的。自三巴到此。萬里爲家。不教子姪到官衙。從無女婿親閒襍。這句單指你相公。若有假克行騙。地方稟拿。下面說小的了。扶同歇宿。罪連主家。爲此須至關防者。

右示通知。建炎三十二年五月初五日示。你看後面安撫

司使杜大花押。上面蓋着一顆。欽差安撫淮揚等處地方。提督軍務。安撫司使之印。鮮明紫粉。相公。相公。你在此消停。小人告回了。各人自掃門前雪。休管他家瓦上霜。下生淚介我的妻。你怎知丈夫到此。悽惶無地也。作望介呀。前面房子。門上有大金字。咱投宿去。看介四箇字。漂母之祠。怎生叫做漂母之祠。看介原來壁上有題。昔賢懷一飯。此事已千秋。是也。乃前朝淮陰侯韓信之恩人也。我想起來。那韓信是箇假齊王。尚然有人一飯。俺柳夢梅是箇真秀才。要杯冷酒不能勾。像這漂母。俺拜他一千拜。



鶯皂袍。拜介。垂釣楚天涯。瘦王孫。遇漂紗。楚重瞳較比這  
秋波賸。太史公表他。淮安府祭他。甫能勾一飯千金價。看  
古來婦女。多有俏眼兒。文公乞食。僖妻禮他。昭關乞食。相  
逢浣紗。鳳尖頭叩首三千下。  
起更了。廊下一宿。早去伺候開門。沒水梳洗。看介好了。下  
雨哩。

舊事無人可共論。只應漂母識王孫。  
轅門拜手儒衣弊。莫使沾濡有淚痕。

第五十齣 周宴

梁州令外引丑衆上長淮千騎。鴈行秋浪捲雲浮。思鄉淚  
國倚層樓。合看機遘。逢奏凱。且遲留。

昭君怨。萬里封侯。岐路幾輛英雄草屨。秋城鼓角催。老將  
來。烽火平安。昨夜夢醒。家山沉下。兵戈未許歸。意徘徊。我  
杜寶身為安撫。時值兵衝。圍絕救援。貽書解散。李寇既去。  
金兵不來。中間善後事宜。且自看詳停當。分付中軍。門外  
伺候。衆下。丑把門介外嘆介雖有存滅之權。實切亡妻之  
痛。淚介。我的夫人呵。昨已單本題請他的身後恩典。未知  
旨意何如。正是功名富貴草頭露。骨肉團圓錦上花。看文

金蕉葉 生破衣巾攜春容上窮愁客愁正搖落鴈飛時候。

整容介帽兒光整頓從頭還則怕未分明的門楣認否。

丑喝介甚麼人行走。生是杜老爺女婿拜見。丑當真。生秀

才無假。丑進稟介外關防明白了。那人材怎的。丑也不怎

的。袖着一幅畫兒。外笑介是箇畫師則說老爺軍務不閒

便了。丑見生介老爺軍務不閒請自在。生自在不成人了。

丑等你去成人不自在。生老爺可拜客。丑今日文武官僚

契太平宴。牌簿都繳了。生大哥。怎麼叫做太平宴。丑這是

各邊方年例。則今年退了賊。筵宴盛些。席上金花樹銀臺

盤。長尺頭大元寶無數的。你是老爺女婿。背幾箇去。生元

來如此。則怕進見之時。考一首太平宴詩。或是軍中凱歌。

或是淮清頌。急切怎好。且在這班房裏蹬着。打想一篇。正

是有備無患。丑秀才還不走。文武官員來也。生下

梁州令 末扮文官上長淮望斷塞垣秋。喜兵甲潛收。賀昇

平歌頌許吾流。淨扮武官上兼文武。陪將相宴公侯。

請了。末今日我文武官屬太平宴。水陸務要華盛。歌舞都

要齊整。末淨見介聖天子萬靈擁護。老君侯八面威風。寇

還想見日來



兵銷咫尺之書。軍禮設太平之宴。謹已完備。伏望俯容。外  
軍功雖早。未難當年例。有諸公怎廢。難言奏凱。聊用舒懷。  
內鼓吹介丑持酒上。黃石兵書三寸舌。清河雪酒五加皮。  
酒到。

梁州序外澆酒介天開江左。地冲淮右。氣色夜連刀斗。末  
淨進酒介長城一線。何來得御君侯。喜平銷戰氣。不動征  
旗一紙書回寇。那堪羌笛裏。望神州。這是萬里籌邊第一  
樓。合乘塞草。秋風候。太平筵上如淮酒。盡慷慨。爲君壽。

前腔外吾皇福厚。羣才策奏半壁圍城堅守。末淨分明軍  
令杯前借箸題籌。外我題書與李全夫婦呵。也是燕支却  
虜。夜月吹篳。一字連環透。不然無救也。怎生休。不是天心  
不聚頭。合前

內搗鼓介老旦扮叔子上。全貂并入三公府。錦帳誰當萬  
里城。報老爺。奏本已下。奉有聖旨。不准致仕。欽取老爺還  
朝。同平章軍國大事。老夫人追贈一品貞烈夫人。末淨平  
章乃宰相之職。君侯出將入相。官屬不勝欣仰。

前腔末淨送酒介攬貂蟬歲月淹留。慶龍虎風雲輻輳。君  
侯此一去呵。看洗兵河漢。接天高手。偏好桂花時節。天香

隨馬簫鼓鳴清晝。到長安宮闕裏報高秋。可也河上砧聲  
憶舊遊。命前

外諸公高才壯歲自致封侯。如杜寶者。白首還朝。何足道  
哉。

前腔。每日價看鏡登樓。淚沾衣渾不如舊。似江山如此。光  
陰難又。猛把吳鉤看了。闌干拍遍。落日重回首。此去何恨。

南歸草草也。寄東流。舉手介你可也。明月誰同。嘯庾樓。合

稿已吟就。名單還未通。見丑介大哥替我再一稟。

丑老爺正契太平宴。生我太平宴詩已想完一首了。太平

宴還未完。丑誰料你想來。生大哥俺是嫡親女婿。沒奈何

稟一稟。丑進稟介稟老爺那箇嫡親女婿。沒奈何稟見。外

好打。丑走起惱推生出介。生老丈人高宴未終。咱半子禮

當恭候。下丑貼扮女樂上。壯士軍前半死生。美人帳下能

歌舞。營妓們叩頭。

節節高。轅門簫鼓啾。陣雲收。君恩可借淮揚寇。貂插首。玉

垂腰。金佩肘。馬敲金鐙也。秋風驟。展沙堤笑拂朝天袖。合

但捲取山河獻君王。看玉京迎駕把笙歌奏。



生上欲窮千里目。更上一層樓。想歌闌宴罷。小生饑困了。

不免冲席而進。丑攔介。餓鬼不羞。生惱介。你是老爺跟馬

賤人。敢辱我乘龍貴婿。打不的你。生打丑介。外問介。軍門

外誰敢喧嚷。丑是早上嫡親女婿。叫做沒奈何的。破衣破

帽。破裙。破雨傘。手裏拿一幅破畫兒。說他餓的荒了。要

來衝席。但勸的都打連。打了九箇半。則剩下小的這半箇

臉兒。外惱介。本院自有禁約。何處寒酸。敢來胡賴。末淨此

生委係乘龍。屬官禮當攀鳳。外一發中他計了。叫中軍官

暫時拿下那光棍。逢州換驛。遞解到臨安監候。老旦扮中

軍官應介。出縛生介。生冤哉。我的妻呵。因貪弄玉為秦贅。

且帶儒冠學楚囚。下外諸公不知。老夫因國難分張。心痛

如割。又放着這等一箇無名子。來賄躁人。愈生傷感。末淨

老夫人受有國恩。名標烈士。蘭玉自有。不必慮懷。叫樂人

進酒。

前腔末淨。江南好宦遊。急難休樽前。且進平安酒。看福壽

有子女悠。夫人又。外竟醉矣。丑貼作扶介。外淚介。閃英雄

淚倩盈盈袖。傷心不為悲秋瘦。合前

外諸公請了。老夫歸朝念切。即便起行。內鼓樂介

還魂記四卷

尾聲明日離亭一杯酒。末淨則無奈何丹青聖主求。外笑介  
怕畫的上麒麟人白首。

萬里沙西寇已平。東歸銜命見雙旌。

塞鴻過盡殘陽裏。淮水長憐似鏡清。

第五十一齣 榜下

丑扮將軍持瓜槌上。鳳舞龍飛作帝京。魏我宮殿羽林  
兵。天門欲放傳臚喜。江路新傳奏凱聲。請了聖駕陞殿。

北點絳唇。外扮老樞密上。整點朝綱。籌量邊餉。山河壯淨。

扮前舜賓上。翰苑文章。顯豁的昇平象。

請了。恭喜李全納款。皆老樞密調度之功也。外正此引奏。

前日先生看定燕元試卷。蒙聖旨武偃文修。今其時矣。淨

正此題請呀。一箇老秀才走將來。好怪好怪。末破衣巾捧

表上。先師孔夫子。未得見周王。本朝聖天子。得觀我陳最

良。非小可也。見外淨介。生員陳最良告掛。淨驚介。又是遺

才告考麼。末不攷。生員是這樞密老大人門下引奏的。外

則這生員是社安漁。叫他招安了李全。便中帶有降表。故

此引見。內響鼓介。唱介。奏事官上御道。外前跪。引末後跪。

叩頭介。外掌管天下兵馬。知樞密院事。臣謹奏。恭賀吾主。



聖德天威。淮寇來降。金兵不動。有淮揚安撫臣杜寶。敬遣南安府學生員。臣陳最良。奏事。帶有李全降表。進呈。微臣不勝懼悚。內介杜寶招安李全一事。就着生員陳最良詳奏。外萬歲。起介末帶表生員。臣陳最良謹奏。

駐雲飛。淮海維揚。萬里江山。氣脉長。那安撫機謀壯。矯詔從寬蕩。嗟李賊快迎降。他表文封上。金主聞知。不敢兵南向。他則好看花到洛陽。咱取次擒胡過汴梁。

內介奏事的。午門外候旨。末萬歲。起介淨跪介。請延試看詳文字官。臣苗舜賓謹奏。

前腔。殿策賢良。榜下諸生。候久長。亂定人歡暢。文運天開放。嗟文字已看詳。臚傳須唱。莫遣夔龍。久滯風雲望。早是蟾宮桂有香。御酒封題。菊半黃。

內介午門外候旨。淨萬歲。起行介今當榜期。這些寒儒。却也候久。外笑介。則這陳秀才夾帶一篇海賊文字。到中的。

快內介聖旨已到。跪聽宣讀。朕聞李全賊平。金兵迴避。甚喜甚喜。此乃杜寶大功也。杜寶已前有旨。欽取回京。陳最良有奔走口舌之才。可克黃門奏事官。賜其冠帶。其殿試進士。於中柳夢梅。可以狀元。金瓜儀從。杏苑赴宴。謝恩。衆

呼萬歲起介份雜取冠帶上黃門舊是鴻門客藍袍新作  
紫袍仙末作換冠服介二位老先生告揖外淨賀介恭喜  
恭喜明日便借重新黃門唱榜了末適聞宣旨狀元柳夢  
梅何處人淨嶺南人此生遭際的奇異外有甚奇異淨其  
日試卷看詳已定將次進呈恰好此生午門外放聲大哭  
告收遺才原來為搬家小到京遲誤學生權收他在附卷  
進呈不想點中狀元外原來有此末背想介聽來敢便是  
那箇那箇柳夢梅他那有家小是了和老道姑做一家兒  
回介不瞞老先生這柳夢梅也和晚生有舊外淨一發可  
喜了。

榜題金字射朝暉

獨奏邊機出殿遲

莫道官忒身老大

曾經倬立在丹墀

第五十二齣

索元

吳小四淨扮郭陀傘包上天九萬路三千月餘程抵半年  
破風裝衣擔壓肩壓的頭臍匾又圓挖喇察龜兒爬上天  
謝天老跑到臨安京城地面好不繁華則不知柳秀才  
去向俺且往天街上瞧去呀一夥臭軍踢禿踢禿走來且  
自迴避正是不因漁父引怎得見波濤下



六么令。老旦丑扮軍校旗籬上。朝門榜遍。怎生狀元柳夢梅不見。又不是黃巢下第題詩。越排門的問。刻期宣。再因循敢淹。答了瓊林宴。

老旦笑介。好笑好笑。大宋國一場怪事。你道差不差。中了狀元干驚煞。你道奇不奇。中了狀元囉。嗶唏。你道典不典。中了狀元胡廝踉。你道山不山中。了狀元一道煙。天下人古怪。不像嶺南人。你瞧這駕牌上。欽點狀元嶺南柳夢梅。年二十七歲。身中材。面白色。這等明明道着。却普天下找不出這人。敢家去哩。化哩。睡覺哩。則淹了瓊林宴席面兒。

丑哥。人山人海。那裏淘氣去。俺們把一位帶了儒巾。喫宴去。正身出來。算還他席面錢。老旦使不得。羽林衛宴。老軍替得。瓊林宴進士。替不得。他要杏花題詩。丑哥。看見幾箇狀元題詩哩。依你說。叫去。行叫介。狀元柳夢梅那裏。叫三。次介。老旦。長安東西十二門大街。都無人應。小衙衙叫去。丑。這蘇木衙衙。有箇海南會館。叫地方問他。叫介。內應介。老長官貴幹。老旦丑。天大事。你在睡覺哩。聽分付。

香柳娘問新科狀元。問新科狀元。內問。何處人。衆。廣南鄉貫。內。是何名姓。衆。柳夢梅。面。白。無。巴。縷。內。誰尋他。衆。是當



遠遊詩四卷  
今駕傳是當今駕傳。要得柳如煙。纔開杏花宴。內俺這一帶鋪子都沒有。則瓦市裏王大姐家。歇着箇番鬼。衆這等去。這等去。合柳夢梅也天。柳夢梅也天。好幾箇盤旋影兒不見。

下貼扮妓上。集唐殘鶯何事不知秋。日日悲看水獨流。便從巴峽穿巫峽。錯把杭州作汴州。奴家王大姐是也。開箇門戶在此。天一箇孤老不見。幾箇長官撞的來。老旦丑上。王大姐喜哩。柳狀元在你家。貼什麼柳狀元。衆番鬼哩。貼不知道。衆地方報哩。

前腔笑花牽柳眠。笑花牽柳眠。貼昨日有箇雞不着禪去了。衆原來十分形現。敢柳遮花映。做葫蘆纏。有狀元麼。貼則有箇狀匾。丑房兒裏狀匾去。進房搜介。衆譁。貼走下介。衆找煙花狀元。找煙花狀元。熱趕在誰邊。毛臊打教過去。

罷合前下

前腔淨扮杖上。到長安日邊。到長安日邊。果然風憲九街三市排場遍。柳相公呵。你還在那里。他行蹤杳然。他行蹤杳然。有了悄家緣。風聲兒落誰店。少不的他大道上行走。那柳夢梅也天。老旦丑上。柳夢梅也天。好幾箇盤旋影兒。



不見。

丑作撞跌淨叫介跌死人。跌死人。丑作拿淨介俺們叫柳夢梅。你也叫柳夢梅。則拿你官裏去。淨叩頭介是了。梅花觀的事發了。小的不知情。衆笑介定說你知情。是他什麼人。淨聽稟。老兒呵。

前腔替他家種園。替他家種園。遠來探看。衆作忙云。可尋着他哩。淨猛紅塵透不出東君面。衆你定然知他去向。淨長官可憐。則聽見他到南安。其餘不知。衆好笑好笑。他到這臨安應試。得中狀元了。淨驚喜介他中了狀元。他中了

狀元。踏的菜園穿。攀花上林苑。長官他中了狀元。怕沒處尋他。衆便是呢。合柳夢梅也天。柳夢梅也天。好幾箇盤旋。影兒不見。衆也罷。饒你這老兒。協同尋他去。

一第由來是出身

五更風水失龍鱗

紅塵望斷長安陌

只在他鄉何處人

第五十三齣

硬拷

風入松慢生上無端雀角土牢中。是什麼孔雀屏風。一杯水飯東牀用。草牀頭繡褥芙蓉。天呵。繫頸的是定婚店赤

繩羈鳳。領解的是藍橋驛配遞乘龍。

集唐夢到江南身旅羈。色羞忍恥是男兒。自家妻父猶如此。若問傍人那得知。俺柳夢梅因領杜小姐言命。去淮揚謁見杜安撫。他在衆官面前。怕俺寒儒薄相。故意不行識認。遞解臨安。想他將次下馬。提審之時。見了春容。不容不認。只是眼下悽惶也。淨扮獄官。丑扮獄卒。持棍上。試喚臯陶鬼方。知獄吏尊。咄。淮安府解來囚徒那裏。生見舉手介。淨見面錢。生少有。丑入監油。生也無。淨作惱介。哎呀。一件也沒有。大膽來舉手。打介。生不要打。儘行裝檢去便了。丑

檢介。這箇酸鬼。一條破被單。裹軸小畫兒。看畫介。丑是軸觀音。送奶奶供養去。生都與你去。則畱下畫軸兒。丑作槍

畫介。生扯介。末扮公差上。僵煞乘龍婿。冤遭下馬威。獄官

那裏。丑揖介。原來平章府祗候哥。末票示介。平章府提取

遞解犯人一名。及隨身行李赴審。丑人犯在此。行李一些

也無。生都是這獄官搬去了。末搬了幾件。拿狗官平章府

去。丑淨慌叩頭介。則這畫軸被單兒。末這狗官還了秀才。

快起解去。淨丑應介。押生行介。老相公。你便行動些兒。畧

知孔子三分禮。不犯蕭何六尺條。



唐多令外引衆上玉帶蟒袍紅。新叅近九重。耿秋光長劍倚崆峒。歸到把平章印總。渾不是黑頭公。

集唐秋來力盡破重圍。入掌銀臺護紫薇。回頭却嘆浮生事。長向東風有是非。自家杜平章。因淮揚平寇。叨冒聖恩。超遷相位。前日有箇棍徒。假克門塔。已着遞解臨安府監候。今日不免取來細審一番。淨丑押生上。雜扮門官唱門介。臨安府解犯人進。見介。生。岳丈大人拜揖。外坐笑介生。人將禮樂爲先。衆呼喝介。生。嘆介。

小令則這怯書生。劍氣吐長虹。原來丞相府十分尊重。

聲息兒忒洶湧。咱禮數缺通融。曲曲躬躬。他那裏半擡身全不動。

外寒酸你是那色人數。犯了法。在相府階前不跪。生生員

嶺南柳夢梅。乃老大人女婿。外我女已亡故三年。不說到納采下茶。便是指腹裁襟。一些沒有。何曾得有箇女婿來。可笑可恨。祇候們與我拿下。生誰敢拿。

步步嬌外我有女無郎。早把他青年送。剗口兒輕調哄。便做是我遠房門婿呵。你嶺南吾蜀中。牛馬風遙。甚處裏絲蘿共。敢一根兒走秋風。指說關親。騙的軍民動。

生我這樣女婿。眠書雪案。立榜雲霄。自家行止用不盡。要秋風老大人。外還強嘴。搜他裏祇裏。定有假雕書印。併賊拿賊。丑開祇介。破布單一條。畫觀音一幅。外看畫驚介呀。見賊了。這是我女孩兒春容。你可到南安認的石道姑麼。生認的。外認的箇陳教授麼。生認的。外天眼恢恢。原來劫墳賊便是你。左右采下打。生誰敢打。外這賊快招來。生誰是賊。老大人拿賊見賊。不曾捉奸見牀。

折桂令。你道證明師一軸春容。外春容分明是狗葬的。生可知道是蒼苔石縫。迸坼了雲蹤。外快招來。生我一謎的

承供。供的是開棺見喜。攔煞逢凶。外壙中還有玉魚金碗。

生有金碗呵。兩口兒同匙受用。玉魚呵。和我九泉下比目和同。外還有哩。生玉碾的玲瓏。金鎖的玳瑁。外都是那道

姑。生則那石姑姑他識趣。拿奸縱。却不似你杜爺爺逞拿賊威風。

外他明明招了。叫令史。取過一張堅厚宮綿紙。寫下親供犯人一名。柳夢梅。開棺劫財者斬。寫完發與那死囚。於斬字下押箇花字。會成一宗文卷。放在那裏。貼扮吏取供紙。上稟爺。定箇斬字。外寫介。貼叫生押花字。生不伏介。外你



看這吃敲才。

江兒水。眼腦兒天生賊。心機使忒兇。還不畫紙。生誰慣來。

外你紙墨筆硯則好招詳用。生。生員又不是犯奸盜。外你

奸盜詐偽機謀中。生。因令愛之故。外你精奇古怪虛頭弄。

生。令愛現在。外現在麼。把他玉骨拋殘。心痛。生。拋在那裏。

外後苑池中。月冷斷魂波動。

生誰見來。外陳教授來報知。生。生員爲小姐費心。除了天

知地知。陳最良那得知。

鴈兒落帶得勝。今我爲他禮春容叫的凶。我爲他展幽期。

幾怕恐。我爲他點神香開墓封。我爲他唾靈丹活心孔。我

爲他假熨的體酥融。我爲他洗發的神清瑩。我爲他度情

腸款款通。我爲他啓玉股輕輕送。我爲他軟溫香把陽氣

攻。我爲他捨性命把陰程逆。神通醫的他女孩兒能活動。

通也麼通。到如今風月兩無功。

外這賊都說的是什麼話。看見了。左右。取桃條打他。長流

水噴他。丑。取桃條上。要的門無鬼。先教園有桃。桃條在此。

外高。弓起打。衆。吊起。生。作打介。生。叫痛。轉動。衆。誦打鬼介。

噴水介。淨扮郭。跪。拐杖。同老旦。貼扮軍校。持金瓜上。天上

人聞他不能開科。失却狀元郎。一向我尋柳夢梅。今日再

尋不見。打老跔。淨難道要老跔賠。買酒你喫。叫去是。叫介

狀元柳夢梅那裏。外聽介衆叫下。外問丑介。丑不見了。新

科狀元。聖旨着沿街尋叫。生大哥。開榜哩。狀元誰。外惱介

這賊翫管。掌嘴。掌嘴。丑掌生嘴。介生叫冤屈。介老旦貼淨

依前叫上。但聞丞相府。不見狀元郎。嘆。平章府打喧鬧哩。

淨聽介裏面聲息。像有俺家相公哩。衆進介。淨向前哭介

吊起的不是相公也。生列位救俺。淨誰打相公來。生是這

平章。淨將拐杖打外介。拚老命打這平章。外惱介。誰敢無

禮。老旦貼駕上的。來尋狀元柳夢梅。生大哥。柳夢梅便是。

小生。淨向前解生。外扯淨跌介。生你是老跔。因何至此。淨

俺一逕裏來尋相公。喜的中了狀元。生真箇的。快向錢塘

門外報社小姐喜。老旦貼找着了狀元。俺們也報知黃門

官奏去。未去朝天子。先來激相公。下。外一路的光棍去了。

正好拷問這厮。左右。再與俺形將起來。生待俺分訴些。難

道狀元是假的。外凡為狀元者。登科記為證。你有何公據。

則是吊了打便了。生料苦介。淨揆苗舜賓引老旦貼扮堂

候官捧冠袍帶上。踏破草鞋無覓處。得來全不費工夫。老

三十五



公相住手。有登科記在此。

僥僥犯。則他是御筆親標第一紅。柳夢梅為梁棟。外敢不

是他。淨是晚生本房取中的。生是苗老師哩。救門生一救。

淨笑介。你高弔起文章鉅公。打桃枝受用。告過老相公。軍

校快請狀元下弔。貼放生。叫疼殺介。淨可憐。可憐。是斯文

倒喫盡斯文痛。無情棒打多情種。生他是俺丈人。淨原來

是倚太山壓卵。欺鸞鳳。老旦狀元懸梁刺股。淨罷了。一領

宮袍遮蓋去。外什麼宮袍。扯了他。

收江南。外扯住冠服介。生呀。你敢抗皇。宣罵勅封。早裂綻

我御袍紅似人家女婿。呵拜門也似乘龍。偏我帽光光走

空。你桃天天煞風。老旦替生冠帶。插在介。生老平章好看

我插宮花帽壓君恩重。

外柳夢梅怕不是他。果是他。便童生應試。也要候案。怎生

殿試了。不候榜。閒淮楊胡啞。生老平章是不知。為因李全

兵亂。放榜稽遲。令愛聞的老平章有兵寇之事。着我一來

上門。二來報他再生之喜。三來扶助你為官。好意成惡意。

今日可是你女婿了。外誰認你女婿。

園林好。淨眾。嗔怪你會平章的老相公。不刮目破窰中呂



蒙忒做作前輩們性重。笑介敢折倒你丈人峰。

外悔不將劫墳賊監候。奏請為是。

浩美酒帶太平令。生笑介你這孔夫子把公冶長陷縲縲

中。我柳盜跖打地洞向鴛鴦塚。有月呵。把樊理陰陽問相

公。要無語對春風。則待列笙歌畫堂中。搶絲鞭御街攔縱。

把窮柳毅賠笑在龍宮。你老夫差失敬了韓重。我呵。人雄

氣雄。老平章深躬淺躬請狀元升東轉東呀。那時節纔提

破了牡丹亭杜鵑殘夢。

老平章請了。你女婿赴宴去也。

北尾你險把司天臺失陷了文星空。把一箇有對付的玉

潔冰清烈火烘。咱想有今日呵。越顯的俺玩花柳的女郎

能。則要你那打桃條的相公懂。下

外弔場異哉異哉。還是賊。還是鬼。堂候官去請那新黃門

陳老爹到來商議。丑知道了。謁者有如鬼。狀元還似人。下

末扮陳黃門上官運精神老不眠。早朝三下聽鳴鞭。多沾

聖主隨朝米。不受村童學俸錢。自家陳最良。因奏捷。聖恩

可憐。欽授黃門。此皆杜老相公擡舉之恩。敬此趨謝。丑上

見介正來相請。少待通報。進報見介外笑介可喜。可喜。昔



為陳白屋。今作老黃門。末新恩無報效。舊恨有還魂。適聞  
老先生三喜臨門。一喜官居宰輔。二喜小姐活在人間。三  
喜女婿中了狀元。外陳先生教的好學生。成精作怪哩。末  
老相公胡盧提認了罷。外先生差矣。此乃妖孽之事。為大  
臣的。必須奏聞。滅除為是。末果有此意。容晚生登時奏上  
取旨何如。外正合吾意。

夜度滄洲怪亦聽。可關妖氣暗文星。

誰人斷得人間事。神鏡高懸照百靈。

第五十四齣 聞喜

遶地遊。貼上露寒清快。金井吹梧葉。轉不斷。轆轤情劫。

咳。俺小姐為夢見書生。感病而亡。已經三年。老爺與老夫  
人。時時痛他孤魂無靠。誰知小姐到活活的跟着箇窮秀  
才。寄居錢塘江上。子母重逢。真乃天上人間。怪怪奇奇。何  
事不有。今日小姐分付安排繡牀。溫習針指。小姐早到也。  
遶紅樓。旦上。秋過了。平分日易斜。恨辭梁燕語。周遮人去  
空江。身依客舍。無計七香車。

秋風吹冷。破窻紗。夫婿揚州不到家。玉指淚彈江北草。金  
鍼閒刺嶺南花。春香。俺同柳郎至此。即赴試闈。虎榜未開。



揚州兵亂。俺星夜賣發柳郎。打聽爹娘消息。且喜老萱堂不意而逢。則老相公未知下落。想柳郎刻下可到。料今番榜上高題。須先剪下羅衣。襯其光彩。貼繡林停當。請自便。且裁衣介。裁下了。便待縫將起來。縫介。貼小姐。俺淡口兒開嗑。你和柳郎夢裏陰司裏。兩下光景何如。

羅江怨。日春園夢一些。到陰司裏有轉折。夢中逗的影兒別。陰司較追的情兒切。貼還魂時像怎的。且似夢重醒。猛回頭。放教跌。貼陰司可也有要子處。日一般兒輪迴路。駕香車。愛河邊題紅葉。便則到鬼門關。逐夜的望秋月。

前腔。貼你風姿恁惹那情腸。害劣小姐。你香魂逗出了夢兒蝶。把親娘腸斷了影中蛇。不道燕冢荒斜。再立起鴛鴦舍。則問你會書齋燈怎遮。送情杯酒怎賒。取喜時也要那破頭稍一泡血。

且蠢了頭。幽歡之時。彼此如夢。問他則甚。呀。奶奶來的恁忙也。

玩仙燈。老旦。慌上。人語鬧。吱嚙聽風聲。似是女孩兒關節。兒聽見外廂喧嚷。新科狀元是嶺南柳夢梅。日有這等事。前腔。淨。忙走上。旗影兒走龍蛇。甚宣差教來近者。



見介奶奶小姐。駕上人來。俺看門去也。

入賺外丑扮軍校持黃旗上。深巷門斜。抓不出狀元門第。

也。這是了。敲門介。老旦。聲息兒恁怔忡。把門兒偷警。啓門。

校衝開介。老旦。那衙門來的。校。星飛不迭。你看這旗。看這。

旗影兒頭勢別。是黃門官把聖旨教傳洩。老旦。叫介兒原。

來是傳聖旨的。旦上。斗膽相詢。金榜何時揭。可有柳夢梅。

名字高頭列。校。他中了狀元。旦。真箇中狀元了。校。則他中。

狀元。急節裏遭磨滅。旦。驚介。是怎生。校。往淮揚觸犯了杜。

叅爺。扭回京。把他做劫墳瑩的賊決。老旦。俺兒謝天謝地。

老爺平安回京了。他那知世間有此重生之事。旦。這却怎。

了。校。正高弔起猛桃條。細抽掣。被官裏人搶去遊街歇。旦。

恰好哩。校。平章他勢大。動本了。說劫墳之賊。不可以作狀。

元。旦。狀元可也。辨一本兒。校。狀元也有本。那平章奏他惡。

茶白賴。把陰人竊。那狀元呵。他說頭帶魁罡。不受邪。便是。

萬歲爺聽了。成痴呆。旦。後來。校。僥倖有箇陳黃門。是平章。

爺故人。奏准。要平章狀元。和小姐三人。駕前勘對。方取聖。

裁。老旦。呀。陳黃門是誰。校。是陳最良。他說南安教授曾官。

舍。因此杜平章。擡舉他掌朝班。通御謁。老旦。一發詫異哩。



校便是他着俺們來宣旨。分付你家一更梳洗。二鼓喫飯。  
三鼓穿衣。四更走動。到的五更三點。徹響玎璫翠佩。那是  
朝時節。且獨自箇怕人。校怕則麼。平章宰相你親爹。狀元  
妻妾俺去了。且再說些去。校明朝金闕討你幅。撞門紅去  
了也。下且娘。爹爹高陞。柳郎高中。小旗兒報捷。又是平安  
帖。把神天叩謝。神天叩謝。拜介。  
滴溜子。當日的當日的。梅根柳葉無明路。曾把遊  
魂再疊。果應夢花園後。相甫能勾。迸到頭。搶了捷。鬼趣裏  
因緣。人間判貼。

前腔。老且雖則是。雖則是。希奇事業。可甚的。可甚的。驚勞  
駕帖。他道你是花妖。害怯。看承的柳抱懷。做花下劫。你那  
爹爹呵。沒得介符兒。再把花神召攝。

尾聲。女兒緊簪束。揚塵舞。踏搖花頰。且叫俺奏箇甚麼來。  
老且有了你。活人硬證。無虛脅。且少不的萬歲君王聽臣  
妾。

淨扮郭趾上。要問龜鼉窟。還過烏鵲橋。兩日再尋箇錢塘。  
江不着。正好撞着老軍。說知夫人下處。抖擻了進去。見介。  
老且是誰。淨狀元家裏老蛇。恭喜了。且辛苦。可見了狀元。



淨掩往平章府搶下了狀元。要夫人見朝也。

往事閒徵夢欲分。今晨忽見下天門。

分明爲報精靈輩。淡掃蛾眉朝至尊。

### 第五十五齣

圓駕

淨丑扮將軍持金瓜上。日月光天德。山河莊帝居。今日萬歲爺。往朝俺們須索在此直殿。

北點絳唇。末上寶殿雲開。御爐煙靄。乾坤泰。回身拜介。日

影金堦。早唱道黃門拜。

集唐鸞鳳旌旗拂曉陳。傳聞闕下降絳綸。典王會淨妖氛。

氣不問蒼生問鬼神。自家大宋朝新除授一箇老黃門。陳

最良是也。下官原是南安府飽學秀才。因柳夢梅發了杜

小姐之墓。徑往揚州報知。平章念舊。着俺說平李寇告捷

効勞。聖恩欽賜黃門奏事之職。不想平章回朝。恰遇柳生

投見。當時拿下。遞解臨安府監候。却說柳生先曾攬過卷

子。中了狀元。找尋之間。恰好狀元弔在杜府拷問。當被駕

前官校人等。冲破府門。搶了狀元上馬而去。到也罷了。又

聽的說俺那女學生杜小姐也。這魂在京。平章聽說女兒

成了箇色精。一發惱激。央俺題奏一本。爲誅除妖賊事。中



間劾奏柳夢梅係劫墳之賊。其妖魂托名亡女。不可不誅。杜老先此奏。却是名正言順。隨後柳生也奏一本。為辨明心迹事。都奉有聖旨。朕覽所奏。幽隱奇特。必須返魂之女。而駕敷陳。取旨定奪。老夫又恐怕真是杜小姐返魂。私着官校傳旨與他。五更朝見。正是三生石上看來去。萬歲臺前辨假真。道猶未了。平章狀元早到。

前腔 外生幞頭袍笏同上介 外有恨粉排無明耽帶真奇

怪生啞謎難猜今上親裁劃

岳丈大人拜揖 外誰是你岳丈 生平章老先生拜揖 外誰

和你平章 生嘆介古詩梅雪爭春未肯降。騷人閣筆費平

章。今日夢梅爭辨之時。少不的要老平章閣筆。外你罪人

咬文哩 生小生何罪。老平章是罪人。外俺有平李全大功。

當得何罪 生朝廷不知。你那裏平的箇李全。則平的箇李

半。外怎生止平的箇李半。生笑介你則哄的箇楊媽媽退

兵怎的哄的全。外惱作扯生介誰說和你官裏講去。末作

慌出見介午門之外。誰敢誼譁。見介原來是杜老先。這是

新狀元。放手。放手。外放生介末狀元。何事激惱了老平章。

外他罵俺罪人。俺得何罪。生你說無罪。便是處分。令愛一



事也。有三大罪。外那三罪。生太守縱女遊春一罪。外是了。

生女死不奔喪。私建菴觀。二罪。外罷了。生嫌貧逐婿。刀打

欽賜狀元。可不三大罪。末笑介。狀元以前也罪過些。看下

官面分。和了罷。生黃門大人與學生有何面分。末笑介。狀

元不知尊夫人請俺上學來。生敢是鬼請先生。末狀元忘

舊了。生作認介。老黃門。可是南安陳齋長。末惶恐惶恐。生

呀。先生俺於你分上不薄。如何妄報俺為賊。做門館報事

不真。則怕做了黃門。也奏事不以實。末笑介。今日奏事實

了。遠望尊夫人將到。二公先行叩頭禮。內唱禮介。奏事官

齊班。外生同進叩頭介。外臣杜寶見。生臣柳夢梅見。末平

身。外生立左右介。旦上。麗娘本是泉下女。重瞻天日向丹

墀。

北醉花陰。平鋪着金殿琉璃翠鴛瓦。響鳴梢。半天兒刮刺。

淨丑喝介。甚的婦人。衝上御道。拿了。旦驚介。似這般猙獰

漢。叫喳喳。在閻浮殿。見了些青面獠牙。也不似今番怕。末

前面來的。是女學生杜小姐麼。旦來的黃門官。像陳教授。

叫他一聲。陳師父。陳師父。末應介。是也。旦陳師父喜哩。末

學生。你做鬼怕不驚駕。旦噤聲。再休提探花鬼。喬作衙。則

還魂記四卷



說狀元妻來面駕。

淨丑下內云奏事人揚塵舞蹈。且作舞蹈呼萬萬歲介內

平身。且起介內聽旨。杜麗娘是真是假。就着伊文杜寶。狀

元柳夢梅。出班識認。生覷且作悲介俺的麗娘妻也。外覷

且作惱介鬼也些。真箇一模二樣。大膽大膽。作回身跪奏

介臣杜寶謹奏。臣女亡已三年。此女酷似。此必花妖狐媚。

假托而成。俺王聽啓。

南畫眉序。臣女沒年多。道理陰陽豈重活。願俺王向金塔

一打立見妖魔。生作泣介好狠心的父親。跪奏介他做五

雷般嚴父的規模。則待要一下裏把聲名煞抹。起介合便

闍羅包老難彈破。除取旨前來撒和。

內聽旨。朕聞人行有影。鬼形怕鏡。定時臺上有秦朝照膽

鏡。黃門官可同杜麗娘照鏡。看花陰之下。有無踪影。回奏。

末應同旦對鏡介女學生是人。是鬼。

北喜遷鶯。旦人和鬼教怎生酬答。形和影現托着面菱花。

末鏡無改面。委係人身。再向花階。取影而奏。行看影介旦

波查。花陰這答。一般兒蓮步迴鶯印淺沙。末奏介杜麗娘

有踪有影的係人身。內聽旨。麗娘既係人身。可將前亡後



化事情奏上。旦萬歲。臣妾二八年華。自畫春容一幅。曾于柳外梅邊。夢見這生。妾因感病而亡。葬在後園梅樹之下。後來果有這生。姓名柳夢梅。拾取春容。朝夕掛念。臣妾因此出現成親。悲介。哎。喲。悽惶煞。這底是前亡後化。抵多少陰錯陽差。

內聽旨。柳狀元負證。麗娘所言真假。因何預名夢梅。生打躬呼萬歲。介。

南畫眉序。臣南海之絲蘿。夢向嬌姿折梅萼。果登程取試。養病南柯。因借居南安府紅梅院中。遊其後苑。拾的麗娘

春容。因而感此真魂。成其人道。外此人欺詐陛下。兼且點

污臣之女也。論臣女呵。便處葬向水口廉貞。肯和生人做

山頭撮合。合前。

內聽旨。朕聞有云。不待父母之命。媒妁之言。則國人父母皆賤之。杜麗娘自媒自婚。有何主見。旦泣介。萬歲。臣妾受

了柳夢梅再活之恩。

北出隊子。真乃是無媒而嫁。外誰保親。旦保親的是母喪

門。外送親的。旦送親的是母夜叉。外這等胡為。生這是陰

陽配合正理。外正理正理。花你那蠻兒。一點紅嘴哩。生老



平章你罵俺嶺南人喫檳榔。其實柳夢梅唇紅齒白。且噤聲。眼前活立着箇女孩兒。親爹不認。到做鬼三年。有箇柳夢梅認親。則你這喇生生回陽附子較爭些。為甚麼翠呆呆下氣的檳榔俊煞他。爹你不認呵。有娘在。指鬼門介現放着實丕丕貝母開談親阿媽。

老旦上多早晚。女孩兒還在面駕。老身踰入正陽門。叫冤去也。進見跪伏介萬歲爺。杜平章妻。一品夫人甄氏見駕。外末驚介那裏來的。真箇是俺夫人哩。外跪介臣杜寶啓。臣妻已歿揚州亂賊之手。臣已奏請恩旨褒封。此必妖鬼

捏作母子一路。白日欺天。起介生這箇婆婆。是不曾認的

他。內聽旨甄氏既歿于賊手。何得臨安母子同居。老旦萬

歲起介

南滴溜子老旦揚州路。揚州路。遭兵劫奪。只得向。只得向。

長安住托。不想到錢塘夜過。嘿撞着麗娘兒。魂似脫。少不

得子母肝腸。歿同生活。

內聽甄氏所奏。其女重生無疑。則他陰司三載。多有因果

之事。假如前輩做君王。臣宰不臻的。可有的發付他。從直

奏來。且這話不提罷了。提起都有。末女學生。子不語怪。比



如陽世府部州縣尚然磨刷卷宗他那裏有甚麼會案處。

北刮地風且呀那陰司一樁樁文簿查使不着你猾律拿

渣是君王有半副迎魂駕臣和宰玉鎖金枷末女學生沒

對證似這般說秦檜老太師在陰司裏可受用且俺也知

道些說他的受用呵那秦太師他一進門忒楞楞的黑心

鑽敢搗了千下浙另另的紫筋肝剝作三花衆驚介為甚

剝作三花且道他一花兒為夫宋一花兒為金朝一花兒

為長舌妻末這等長舌夫受用且若說秦夫人的

受用一到了陰司擗去了鳳冠霞帔赤體精光跳出箇牛

頭夜叉只一對七八寸長指彈兒輕輕的把那撇道見搭

長舌揸末為甚且聽的是東窗事發外鬼話也且問你鬼

也邪人間私奔自有條法陰司可有且有的是柳夢梅七

十條爹爹發落過了女兒陰司收贖桃條打罪名加做尊

官勾管了簾下則道是沒真場風流罪過些有甚麼饒不

過這嬌滴滴的女孩家

內聽旨朕細聽杜麗娘所奏重生無疑就着黃門官押送

午門外父子夫妻相認歸第成親衆呼萬歲行介老且恭

喜相公高轉了外怎想夫人無恙且哭介我的爹呵外不



理介。青天白日。小鬼頭遠些。遠些。陳先生如今連柳夢梅  
俺也疑將起來。則怕也是箇鬼。末笑介。是踢斗鬼。老旦喜  
介。今日見了狀元女婿。女兒再生。十分喜也。狀元先認  
了你丈母罷。生揖介。丈母光臨。做女婿的。有失迎待。罪之  
重也。旦官人。恭喜。賀喜。生誰報你來。旦到得陳師父傳旨  
來。生受你老子的氣也。末狀元認了丈人翁罷。生則認的  
十地閻君爲岳丈。末狀元聽俺分勸一言。

南滴滴金。你夫妻趕着了輪迴磨。便君王使的箇隨風柁。

那平章怕不做賠錢貨。到不如娘共女翁和婿。明交割。生

老黃門。俺是箇賊犯。末笑介。你得便宜人。偏會撒科。則道  
你偷天把桂影。那不爭多。先偷了地窟裏花枝朶。

旦嘆介。陳師父。你不教俺後花園遊去。怎看上這攀桂客。  
外鬼也邪。怕沒門當戶對。看上柳夢梅什麼來。

北四門子。旦笑介。是看上他帶烏紗象簡。朝衣掛。笑笑笑。  
笑的來。眼媚花。爹娘人家白日裏。高結綵樓。招不出箇官  
婿。你女兒睡夢裏。鬼窟裏。選着箇狀元郎。還說門當戶對。  
則你箇杜杜陵。慣把女孩兒嚇。那柳柳州。他可也門戶風  
華。爹認了女孩兒罷。外離異了柳夢梅。回去認你。旦叫俺



回杜家。越了柳衙。便作你杜鵑花。也叫不轉咱子規紅淚。灑哭介。哎。喲。見了俺前世的爹。卽世的娘。顛不刺悄魂靈立化。

且作悶倒介。外驚介。俺的麗娘兒。末作望介。怎那老道姑來也。連春香也活的好笑。好笑。我在賊營裏。瞧甚來。

南鮑老催。淨扮道姑同貼上官前定奪。官前定奪。打望介。

原來一衆官員在此。怎的起狀元小姐。嘴骨都一邊。眼見他喬公案斷的錯。聽了那喬教學的嘴兒。噓。末春香賢弟也來了。這姑姑是賊。淨啐。陳教化。誰是賊。你報老夫人。疾。

啞春香。疾。哩。做的箇紙棺材。舌銜撥。向生介。柳相公喜也。

生。姑姑喜也。這丫頭那裏見俺來。貼你和小姐牡丹亭做

夢時。有俺在。生。好活人活證。淨貼。鬼團圓。不想到真和合。

鬼挪揄。不想做人生。活。老相公。你便是鬼三台。費評跋。

淨貼。並下。末朝門之下。人欽鬼伏之所。誰敢不從。少不的

小姐勸狀元。認了平章。成其大事。且作笑勸生介。柳郎。拜

了。丈人罷。生不伏介。

北水仙子。且。呀。呀。呀。你好差。扯生手。按生肩介。好好好。點

着你玉帶腰身。把玉手叉。生。幾百箇桃條。且。拜拜拜。拜荆



條曾下馬。外扯介。且扯扯扯。做太山倒了架。指生介。他他

他。點黃錢聘了。怕俺俺俺。逗寒食吃了他茶。指末介。你你

你待求官報信。則把口皮啗。指生介。是是是。是他開棺見榔

滿除罷。指外介。爹爹爹爹。你可也罵勾了咱鬼也些。

丑扮韓子才冠帶捧詔上。聖旨已。到跪聽宣讀。據奏奇異。

勅賜團圓。平章杜寶進階一品。妻甄氏封淮陰郡夫人。狀

元柳夢梅除授翰林院學士。妻杜麗娘封陽和縣君。就着

鴻臚官韓子才送歸宅院。叩頭謝恩。且見介。狀元恭喜了。

生呀。是韓子才兄。何以得此。丑自別了尊兄。蒙本府起送

先儒之後。到京考中鴻臚之職。故此相會。生一發奇異了。

末原來韓老先也是舊朋友。行介。

南雙聲子。衆姻緣詫。姻緣詫。陰人夢黃泉下。福分大。福分

大。周堂內。是這朝門下。齊見駕。齊見駕。真喜洽。真喜洽。領

陽間誥勅。去陰司銷假。

北尾生。從今後把牡丹亭夢影雙描畫。且。跨殺你南枝挨

暖俺北枝花。則普天下做鬼的有情誰似咱。

杜陵寒食草青青。羯鼓聲高衆樂停。

更恨香魂不相遇。春腸遙斷牡丹亭。



千愁萬恨過花時

人去人來酒一卮

唱盡新詞歡不見

數聲啼鳥上花枝

牡丹亭還魂記四命題

大華





